

郭步陶著

不受侵略論文集

黃夫信題


郭步陶著

不受侵略論文集

黃夫信題

民國廿三年九月初版

不受侵略論文集



實價四角

版權所有 不許翻印

著者 郭步陶

發行者 郭步陶

印刷者 上海山東路二一四號
漢文正楷印書局

電話 九一八七三號

總發行 上海漢口路二七四號
新聞報館收發處

電話 九四一六六號

經售處 各大書局

不受侵略論文集序

不受侵略。乃一消極名詞。立國於二十世紀。任何國家。決不願其國實力僅能有此。若並此而無之。則其國前途。豈尚堪問。

中華民國。有數千年文明之歷史。四萬萬而強之人口。版圖既大。寶藏尤富。理宜執牛耳於亞洲。與歐美列強。分庭抗禮。庶可無愧爲黃炎後裔。

然而按之事實。則殊不然。翳古以來。外族內侵。史不絕書。舉其大者。如太王避狄而去邠。周末被辱於犬戎。漢對匈奴而和親。晉經南渡而泣新亭。五季則被擾於胡虜。南宋則被困於遼金。元以蒙古而臣僕我中原垂九十餘年。滿以愛親覺羅氏而竊奪我華土且三百有餘歲。凡此皆過去歷史上被人侵侮之污痕。而所以致此。則由政府與人民不能合作之故。所希望者此後政府與人民。凡事皆開誠心。布公道

。共求可以合作之原則。而實行之。或可稍蓋前愆於萬一，
迫入民國。從前喪失之屬地。既未收復。舉世無二之不平等條約。
。又依然存留。而陸續新增者。且有二十一條之奇恥。六三慘案之餘
痛。至九一八彌天大禍。被東鄰軍閥闖出。我東四省於以淪亡。我華
北要塞於以盡失。而貪得無厭之東鄰。猶復咄咄逼人。侵略未已。第
二次世界大戰之導火線。於焉燃着。人類大恐慌之險象。且已隱隱即
在目前。我首當其衝之中華民國。無論朝野上下。皆已如危幕之燕雀。
。倘不早爲之所。其命運之所屈。豈復尚有幸理。

從前之侵略我者。其文明程度。皆遠遜於我。我族雖暫時忍痛承
受。而久之潛移默化。彼自失其侵略能力。而漢家故物。終不能不由
我回復。然而今之侵略我者。則何如。其文明程度。遠在我上。其侵
略工具。則精益求精。其侵略方法。則微妙莫可言傳。而近世奪取人
國家者之手段。尤極毒辣。苟受人侵略而不急求所以自救之道。則國

亡種滅。永無可以復見天日之時。欲求如前朝之復見漢官儀。其難蓋尤甚於登天。所以在往古而被侵略。可逆來順受。以徐圖將來之挽救。在今日而被侵略。非早準備實力。以謀自衛。終必難免滅亡。

然而環觀宇內。能念及此者。果有幾人。大多數者之不識不知無論矣。猶有相當知識者。每多趨於做官之一途。做官固亦為國家服務。何可厚非。特今日中國之做官者。多持享福主義。少能真正為國家辦事者。斯為可恨耳。至求做官而不得。則為洋奴。為漢奸。但能於己有利。雖為侵略我者作急先鋒。亦所不辭。嗚呼、國事如此。人心如此。欲求倖免於被人侵略。夫豈事實之所可能。

雖然、十室有忠信。十步有芳草。吾烏能謂中國之大。人之愛國。盡不如我。或者自救救國。早已有人從事實際工作。正未可知。興念及此。輒自奮起。偶有所見。常於新聞報端。就商國人。蓋亦知其不可言而言之而已。至於所言當否。初未自知。散碎披露。尤難具見。

首尾。用是耿耿於懷。嘗思既與國人同處滿舟之中。自當提撕警覺。相與努力奮鬥。以求共濟時艱。庶幾不受侵略之準備。於此得立一穩固之基礎。爰本斯旨。自將報端論文。加以整理。標明系統。彙集成編。俾讀吾文者。知我國之被人侵略。已至如何程度。敵人之欲侵略我者。此後動向。將從何進取。我國人如不欲甘心承受。所應亟亟從事者爲何。所須切切注意者又爲何。大體已多有論及。惟以對外及其他關係。未能處處盡情詳說。字裏行間。容有不免若茹若吐之概。是在讀吾文者默會其意斯可耳。

謝陋如不佞。而所貢獻者。又僅此芟芟者篇。奚能真實有補於國事。惟心所謂危。不敢不告。倘拋磚引玉。國人加以教正。從此羣起發揮宏見。集中心思才力。以共致力於積極救國之工作。中原雖多故。天下事固尚可爲。是則不佞所延頸跂足以殷殷切盼者也。是爲序。

目次

序

不受侵略之意義

不受侵略之原則

(一) 總綱

(二) 分論

第一正名

一、偽組織之實際

二、「滿洲」二字無根據

三、不承認偽滿應有表示

四、日人乃傀儡之保標者

五、日人口中之偽馬占山

六、解散偽滿實名正言順

第二救人

一、吉東民衆之毀家抗日

二、關外人民被蹂躪之慘狀

- 三、日人毒品政策施及華北
- 四、上海人力車夫之非人生活
- 五、須從根本上救濟人力車夫
- 六、市府應保護租界中受苦痛之華人
- 七、香港華僑不能視同外人

第三實際準備

- 一、造林與民生國防之關係
 - 二、田園都市爲安民禦侮之一方案
 - 三、銀行界應助成衛國新組織
 - 四、化兵爲工化兵爲警均爲應變要策
 - 五、宜用上海游資趕修必要鐵道
 - 六、開發西南可救上海並可扶助西北
- ### 第四精神自救
- 一、必拚命向前苦鬥方有光明大路
 - 二、國人莫忽視上海北四川路底大營房
 - 三、組上魚肉之國人其亦自知痛苦否
 - 四、第二東三省將發現於西南國人應早注意

不受侵略之意義

非努力自強斷難輕言不受侵略

必不受侵略乃有真正國格可言

日使有吉歸國後。據東京一日電。已於外務省會議席上。決定對華方針四條。其第二條云。『日本並無侵略中國之意圖。此項方針。與從前毫無更動。日本切望中國之統一。』又東京三日電。『中國之對日態度。有漸次和緩之兆。表示分擔責任之態度。』誠如此兩電所傳。日本既無侵略中國意。中國對日又漸次和緩。中日間尚復有何問題哉。

雖然。侵略不侵略。非僅有無意圖之申說。即足作為定案。必視有無事實。方可作為確證。例如東四省之土地不能保。人民被蹂躪。

華北數十縣之政令不能行。險要不能守。施之者是否出於日本。此種行爲。是否謂之爲侵略。在日人之解釋或以爲生命線所繫。非此不足以自衛。然而身受者之中國人。感此痛苦。要不得不謂之被侵略。至於中國對日態度何如。前乎此者。且不追溯。僅就近日言。舉國正在譁然疑懼。不知日人之所謂和緩。究從何處見之。或者與日人酬酢之少數人。惕於日人之詞色。不能不強爲歡笑。以免或逢其怒。正自難知。果爾。亦祇爲被侵略者。對於侵略者。無可奈何之情態度表現耳。夫豈大多數之中國人。皆心悅誠服於被人侵略。而逆來順受。一切皆無動於中乎。倘不幸而果如此。是中國人已盡爲被征服之民族矣。天下安有被征服之民族。而猶能安然與征服者。一體同負責任哉。侵略一名詞。日人且以爲不祥。而不願承認有此意圖。中國人習性。素爲愛好和平。自必不至侵略他人。且亦無此能力。以向外侵略。我今所欲問者。中國人今後是否尚甘受人侵略。日人之所謂並無侵

略意圖。是否即今放下屠刀。而永不侵略他人。蓋被侵略者。精神上必感受無窮痛苦。無論中國或日本。總以不侵略他人。而亦不受他人侵略。爲交往之常規。易言之。即彼此不相侵略也。惟是立國於大地。己不侵略他人。其權固可操之於一己。己不受人侵略。則非一己所能期必。況中國素以貧弱聞於世。非努力自強。殆難輕言不受人侵略。所以我聞日人不侵略之好名詞。深願國人急起直追。有以作到不受人侵略之地位。方有真正國格之可言也。

夫意圖無形迹可見。日人以爲『並無。』亦僅日人自知之耳。蓋日人之侵略中國。早已昭昭在人耳目。決不能以一時無此意圖之空洞言詞。遂可將所已作之事實。一筆抹煞。若曰已往之侵略不侵略。已成過去。我所期必者。祇今日不有此意旨耳。是何異劫人錢財。以爲己有。乃徐徐謂人曰。我今與汝友好。決不至有損害於汝之行爲。汝其信之乎。所以今茲日人如真欲使人見信其無侵略中國之意。最好將

東四省回復到九一八以前之狀態。華北各口。回復到山海關戰爭以前狀態。無條件的。一切還之中國。如此則中國所曾受之侵略。已無絲毫存在。而中日邦交。乃有真實親善之可能。然而日人所訂之外交方針。其所自稱之無侵略意圖者。果能辦到如此地步否。恐尚不無疑問也。

再就中國方面想。受侵略之不足以立國。早爲不可磨滅之公理。欲自保存國格。而不願受任何國家之侵侮。又爲最近外交當局所曾公布之宣言。則我國處此情地。似應切實規定一方針。以爲今後一切國際交往之標準。夫日本爲強國。所易犯之罪過。爲侵略他人。故其外交方針所首先注重者。爲無侵略中國意圖。中國爲弱國。所易蹈之缺陷。爲被他人侵略。故外交方針。應特別注意於不受人侵略之主旨。無論朝野上下。凡爲中國人民。均當以不受侵略字樣。深印於腦際。父詔其子。兄詔其弟。以及友朋師弟之交相勸勉。均當首重不受人侵

補白一

略之精神。即強鄰壓境。亦必抱定唯一宗旨。切切自警曰。侵略決不可受。不幸而敗。而死。而亡。均無不可。而萬萬不能身受者。則被人侵略。因一受侵略。則國格不存。雖苟且偷生。亦必不足齒數於國際之林也。

總之。侵略為強國所恥言。不受侵略自當為弱國所重視。欲求國無強弱。均可免於侵略與受侵略之不入道行為。國與國之相互承認。其殆最為切要之圖歟。（二十三年五月四日新聞報社論原題不侵略與不受侵略）

世界經濟恐慌。是使各帝國主義更加緊對中國的剝奪。除了武力侵佔政治壓迫外。必然地在經濟上更要來實現牠們的統治。使中國經濟更走向完全的殖民地化。故中國國民經濟的破產。由此發生。棉紗業積極的崩潰。那是必然的結果。也是必然的命運。

錄東方雜誌仲英著「中國棉紗業危機的現狀」的結論

6 不受侵略之原則

(一) 總綱

是中華民族企謀自保之正當軌道
須竭全國人之心思才力共同赴之

日本近來宣傳國難之說甚盛。彼所謂國難者。以對美對俄爲目標。今美俄復交。已告成功。日軍界外交界當局皆以今後應注視爲言。則其國人之準備應付國難。當愈加緊。而影響及於我國者尤鉅。我國處此時期。將如何自救。

中國銀行大阪分行行長戴藹廬君。近自日本返國。在青年會演講『甲日兩國之國難觀。』內中所述日本朝野對於國難之準備。如何緊張。我國各地人士。對於國難。反淡焉若忘。雖曾受敵人蹂躪之地。

如華北上海等處。皆依然酒綠燈紅。嬉恬如故。兩兩相形。真使人欲哭無淚也。

回憶清末上海時務報創辦時。適爲德人佔據我膠州之次年。曾有一論文。對於國人怠忽國事。加以鍼砭。中有警語云。『嗚呼、上下之壅蔽。人心之頑固。有如我國者乎。去年膠事亟。國家安危在呼吸時。東友某君。特航海來吾國。至上海。則說曰。德踞膠州。吾國上下議若沸。而處其國者。聲色如故。酬燕如故。問膠事。或不知。或知之。又不悉。又若不相關。何若是歟。至膠州。則又說曰。吾以爲膠民晏然若處樂土。何又若是歟。嗚呼、吾人心之不動。患在無以動之也。今若是。豈有冀於復耶。』夫時務報之創辦。距今已三十餘年。在此三十餘年中。國事之敗壞。國土之喪失。豈在少數。而舉國上下。輕視國難之心。則仍與三十餘年前無絲毫差異。如此國家。如此民族。其將何以渡此當前之難關哉。

一九三六年之世界暗礁。日人且舉國若狂。爭呼力渡國難。以從事準備。我國人對此。除言論界爲文論及。或文化團體作爲演題外。幾無人提及。甚且有人聞日蘇將開戰。美俄將復交。而欣然喜者。甯知我國所處地位。遠不如日本。東三省之淪亡。華北之受敵威脅。上海閘北之燒餘劫燼。在在皆爲痛心徹骨之瘡傷。而隨乎其後之更大悲劇。萬萬不能待至一九三六年。國人幸勿謂日人對我外交已轉變。美與蘇對我皆有相助之可能。遂自以爲有恃可無恐。須知空前可怖之大戰。今已迫在眉睫。而爲此大戰中之最大犧牲者。即爲我國。此非故作驚人之語。良以九一八之炸彈。日人既憑藉我之疆土。向世界投去。遠東火藥庫。勢必終於爆炸。而我國適首當其衝。其將何術以免爲刀俎上之魚肉乎。

歐戰以前之戰爭。戰事結果。勝者取償於敗者。歐戰以後則不同。所取償者乃在第三者。最近則更改變。兩交戰國尚未交綏。即先爭